

17
ноябрь
1940 ар

№ 98 (789)
10 тй арзэ потэ
Дуныз 5 копейка

Колхоз

СЮРЕС

ВКП(б)-лэн Кезской Райномезлэн по райсоветлэн органы.

Редакциялэн адресаз:

Кез поселок
Советской ульча 6 №-ро
корка, телефонлэн №-рез 25

Колхоз'ёсын доход'ёсты шонер люкылоно

ВКП(б)-лэн ЦК-езлэн 1940 ар мартовской пленумезлэн исторической решениез сельской хозяйствозе жутины но юнматонлы исключительно бадзым результат сётиз. Районыстымы уноез колхоз'ёс но колхозник'ёс шонер валазы, что соослэн узурмон но юнман кужымзылэн источникез луэ общественной муз'ем. Кызы валаса но шонер использовать каремын луоз муз'ем, солэсь зависеть кароз урожайлэн жутскемез но общественной пудо-живот вордонлэн йылэмез. Сое возматаны луэ таёе колхоз'ёс вылысь. Баан, Озон, Стеньгурт, Ярунь но уноез мукет'ёсыз колхоз'ёс туэ арэ шорлыдын 19-20 центнер урожай басытызы но государства ю нянь но мукет сельскохозяйственной продуктаосты сётонэз котькуд гектар муз'ем вылысь тырмыт обеспечить каризы. Озы ик Чекшур но III-ти Сыга колхоз'ёс овощеводстволэсь но животноводстволэсь доходзэс быдэн 7 но 8 сюр манет басытызы. Татысен верано луэ, что колхозлэсь азинкем'ёссэ но узурлыкэс адзыны луэ со вылысь, кызы соиз-а, таиз-а колхоз умой но по хозяйски быгатиз муз'емлэсь басытыны ваньзэ, мае со быгатэ сётыны.

Сельскохозяйственной ар йылпум'ясыкиз. Колхоз'ёсын узур доход'ёсты трудовеня люкылон дыр вуиз. Туала выйлыко урожай государства нынэз сётэм бере пёртэм фонд'ёсты кылдытыса, колхозной рынок'ёсын вузаны унолы кулэсме. Маин котькудиз колхоз денежной доходзэ эшшо но быгатоз йылытыны.

Колхоз'ёсын доход'ёсгы шонер люкылон иметь каре исключительно важной значение. Соин ик доход'ёсты люкылонын основаныз луыны кулэ общественной но личной интерес'ёсты шонер сочетать карон, кызы сое куре артельлэн Сталинской уставез. Шонер пуктоно трудовеняслы но продуктаослы учетэз. Государственной поставкаосты тырмытэм бере кылдытоно семенной, фуражной но страховой фонд'ёсты, со сян учконо тырмыт сельскохозяйственной продуктаосты колхозной рынок'ёсын вузаны, со бере гинэ кылемэз трудовеня люкылоно. Решительно нюр'ясыко куд-ог колхозник'ёслэн отсталой, рваческой настроениенызы, куд'ёсыз малпало колхозлэсь доходзэ трогес кызы басытыны но ичи кельтыны общественной хозяйстволы. Но ш куд-ог колхоз'ёслэн председателёссы учко колхозлэсь вань доходзэ трудовеня люкылыны, способ-

ствовать карыса рвач'ёслы, лодыр'ёслы, куд'ёсыз колхозлэн чырты вылаз пуко.

Юскинской сельсоветысь Чуринко колхозлэн председателез Наумов И. колхозлэсь парсьпиоссэ колхозник'ёслы люкылэм, озы ик Поломской сельсоветысь Полом колхозлэн председателез Матушкин А. С., та колхоз'ёс колхозной рынокны вузаны сельхозпродуктаоссэс тырмыт но кычарын но бз вис'яллялэ, туэ арын но уг вузало. Нош Пужмезь сельсоветысь Пужмезь колхозлэн бывшой председателез Трефилов фуражной но страховой фонд кылдытэмезлэсь азывыл вань ю-няньзэ колхозник'ёслы трудовеняслы люкылэм.

МТФ-ослэсь товарной продукциоссэс но куд-ог колхоз'ёс колхозной базарын вузан интые но колхозлэсь финансовой состояниез жутоно интые, разбазаривать каро. Стеньгуртской сельсоветысь „Луч“ колхозлэн председателез Иванов но Озонской сельсоветысь Бани колхозлэн председателез Покребышев МТФ-оссылэсь вбйзэс колхозник'ёслы трудовеня люкылллям. Таёе умойтэм антиобщественной практикалы али ик пум пононо. Колхозлэн вань мылем товарной продукциез колхозной базарын вузаны луыны кулэ.

Районамы куд-ог колхоз'ёсын учет но отчетность туж ляб пуктэмын. Озы луэм бере веранэз ик бвдл колхозлэсь узурлыкэс умой возьман сярсы, ревизионной комиссиос арлэн пумаз гинэ ревизия лэстыло, соин ик куд-ог колхоз'ёсын продуктаос безхозяйски разбазаривать карыско. Пужмезь колхозын животноводствон ужасть кадр'ёслы 5 толэзь чоже трудовеня гож'ямтэ. Гордино колхозын продуктаосты но материал'ёсты учетэ басытымтэ. Озы ик учет бвдл денежной доходлы но. Ревизионной комиссиос татыно, Вортча, Юски, Бегши колхоз'ёсын но ар чоже прочсэ ревизия уг лэстыло.

Колхоз'ёсын доход'ёсты люкылонэн интысысь партиной но советской организациос, нырысь ик Райзо но МТС-ёс, нуналмысь кивалтоно луо. Та бадзым но ответственной ужез шонер но организованно ортчытоно. Сталинской уставез уж вылын быдэстоно. Удмуртской АССР-лэсь Совнаркомезлэсь 23 августэ 1940 арэ „Колхозной вузкаронэз организовать каронэз умоятон сярсы“ постановлениез уж вылын быдэстон пона кужмо нюр'ясыконо.

Великой Октябрьской Социалистической Революциясь XXIII-тй годовщиназэ Москваын праздновать карон.



Паллянысен буре: И. В. Сталин, М. И. Калинин, К. Е. Ворошилов но В. М. Молотов эш'ёс мавзолейлэн трибунаез вылын.

Ремесленной училищеосы но ФЗО-лэн школаосаз призыв

Советской Союзысь вань егит'ёс сямен ик, Кезской районсы егит'ёс бадзым шумпотонэн пумитазы СССР-лэн Верховной Советэзлэн Президиумезлэсь „СССР-лэн Государственной Трудовой резерв'ёсыз сярсы“ Указзэ.

Призывлэсь азыло ик районсы 161 мурт егит пиос Ремесленной Училищеосы но ФЗО-лэн школаосаз мыныны комиссие куриськон'ёс сётизы.

Комиссиялэн 12-13 ноябре ужомез чоже эшшо но 50 мурт колхозной егит'ёс куриськон'ёс гожтызы. Котькудиз ик егит пи аслаз куриськоназ вера шумпотонэ, государственной предирятиосын ужаны мылпотонэ. Чепца поселокысь Н. П. Захаров куриськоназ гожтэ: „Партилэсь но правительствозэс куремзэс быдэсто. Ремеслолы дышетско отличо гинэ.“

Приемочной но врачебной комиссияс ужаны кутскизы 12 ноябре 9 часын чукна. Нырысь ик комиссияез ортче Чепца детдомысь воспитанник П. Д. Туев. Комиссиысь со таза потыз. Приемочной комиссиялэн председателез В. М. Корепанов дыртытэк, бадзым саклыкэн егит'ёс пблын ужа.

Призывной пунктын шулдыр, гармошка но мукет шудон'ёс шумпотыто егит мылкыдэз. Егит калык бадзым мылкыдэн кылзызы „Государственной трудовой резерв'ёс сярсы“ доклад. Соос пблын лыдземын 26 июне поттэм Указ но.

Шулдыр ортче Ремесленной училищеосы но ФЗО-лэн школаосаз призыв. Егит калык бадзым шумпотонэн тырмемын.

МЫНАМ ШУМПОТОНЭ

Туэ арын 2-тй октяб্রে СССР-лэн Верховной Советэзлэн Президиумезлэн „СССР-лэн Государственной Трудовой Резерв'ёсыз сярсы“ Указзэ потыз. Со мыным бадзым шумпотон ваиз.

ФЗО школае дышетскины мыныны понна мон призывной комиссие куриськон сёти. Собрэе 2-3 нунал улыса ко-

миссие мыныны извещение вуиз. Комиссия монэ тазаен поттыса школае мыныны путевка сётиз.

ФЗО школае дышетскины мыныны мон кема малпаса улий. Табере малпаме земаз. Мынйсько Воткинск заводэ—ФЗО школае.

Савин Сергей.

Гречины военной действоос

Иностранной печатльэн ивортэмез'я, Албанской границалэн вань протяжениез вылын греческой войскоослэн наступленизы кутскиз, кытын участвовать каро пехота, кавалерия, греческой но английской самолет'ёс, горной артиллерия но танк'ёс.

Албани но Грецие Италияской подкрепленности выжты-

лыны уг лэзэ, люкетоса посадкалы но высадкалы греческой но английской самолет'ёс—бомбардировщик'ёс.

Болгарской „Зора“ газет гожтэ, что итальянской авиация нуэ туж зол дасысконо итальянской авиацилен вуоно паськыт наступлениез азелы.

(ТАСС).

СССР-лэн Совнаркомезлэн Председателез но Иностранной Уж'ёс'я народной комиссар В. М. Молотов эш Москвае вуиз

1940 арын 15 ноябре уийн 12 часын Берлинысь Москвае вуиз СССР-лэн Народной Комиссар'ёсызлэн Советсылэн Председателез но Иностранной Уж'ёс'я Народной Комиссар В. М. Молотов эш, сое келяса ветлэм мурт'ёсын чош.

Малкия станции В. М. Молотов эшез келязы германской правительстволэн представителёсыз—иностранной уж'ёс'я министерстволэн протокальной отделезлэн начальникез фон Дернберг, связьлэн штабазлэн начальникез Гитлерлэн заместителез Гесс но флотлэн капитанэз Штефазуис.

Москвае поездлэн вуонэз азелы В. М. Молотов эшез пумитаны понна Белорусской вокзалэ вуизы СССР-лэн СНК-езлэн председателезлэн заместителёсыз А. И. Микоян, Л. М. Каганович, Н. А. Булганин, Н. А. Вознесенский, А. Я. Вышинский эш'ёс, народной комиссар'ёс С. К. Тимошенко, Н. Г. Кузнецов но мукет'ёсыз эш'ёс, Н-ской армиялэн начальникез К. А. Мерецков эш, озы ик дипломатической корпуслэн член'ёсыз но Москваысь германской посольство.

Вогзал флаг'ёсын чебер'ямын вал. В. М. Молотовез пумитаны понна почетной караул выставить каремын вал.

Молотов эшен чош Москвае вуизы СССР-ысь Германиялэн Чрезвычайной полномочной посол'ёсыз г. фон Шуленбург но Москваысь германской экономической делегацилен председателез г. Шнурре.

(ТАСС).

